



**Pauli Laymanni e Societate Iesu Jus Canonicum  
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

**Laymann, Paul**

**Dilingae, 1698**

Capitulum VII. Adversus.

---

[urn:nbn:de:hbz:466:1-62482](#)

## 542 Decret. Gregor. Lib III. Tit. XLIX. Cap VII.

## CAPITULUM VII.

## Adversus.

## PARAPHRASIS.

Quod statutum fuerat in Concilio Laterano, & relatum cap. non minus 4. b. t. contra eos sacerdotes, qui Ecclesiasticas personas, ac earum bona omni genere exactionem, & collectatum gravant, sic renovat Innocentius III. in Conc. Generali; prohibens hac iure sub poena excommunicationis, annullando tales sacerdotalium sententias & statuta, immunitati Ecclesiasticalium & personarum Ecclesiasticarum quoad tales collectae præjudicantia: insuper decemens thematis sententiam durate, non tantum dum in officio existente, qui tales collectas extorserunt, sed tam ipso, etiam postquam officio cesserunt, & cediture nolunt, ac hæredes eorum, illa Ecclesiastica censuram manere confundunt, donec satisfecerint. In castum, quo Episcopus cum Clero absque ulla coadunatione, ad relevandas publicas necessitates & utilitates, subsidia Clerorum parverint necessaria, poterunt quidem Laici humiliter ac devote ea recipere, ad cavenandam tamen multam, que sapienter posse, imprudentiam, voleuit prius consuli Romanum Pontificem.

## SUMMARIUM.

1. Confirmantur & extendantur in h. cap. alia iura immunitatem realem Clericorum concordantia.
2. Bona Ecclesiasticalium, ant Ecclesiasticarum in triplici sunt differentia.
3. Sicuti etiam enera, de quorum immunitate Clericis, & Ecclesiasticis competente contra Laicum magistratus disputatur.
4. Quid de oneribus more realibus, q. 17.

- dominus proprietatis suo fundo impo-  
suit, sentiendum?
- ¶ Quid de antiquis tributis, & oneri-  
bus, qua stabiliter & perpetuo ex lege  
ordinaria fundis imposta sunt, in  
principiis sustentationem, priusquam  
ad Ecclesiam talia bona devenerunt,  
sentiendum?
- ¶ De quibus tributis & oneribus intelligi  
debeant SS. Canones, qui secularibus  
domini tributa ab Ecclesijs, aut Ec-  
clesiasticis soluta dicunt?
- ¶ De mixtis oneribus quid sentiendum,  
circa bona, saltem que ab Ecclesiasti-  
cis titulo Ecclesiastico possidentur?
- ¶ Argumenta quedam contraria senten-  
tia, qua concedit bonis etiam titulo  
Ecclesiastico possessis ab Ecclesiasticis,  
onera hec extraordinaria a faculari  
magistratis imponi posse, nihil atten-  
dendo cauetas juris communis; ex  
titulo supremi dominij; ex plenius audi-  
ne potestatis; ex eo, quod omnium  
subditorum bona, antequam ad Ec-  
clesiasticos pervenerunt, tributaria  
sibi pro occasione necessitatum publica-  
rum fecerit princeps v.g. desumptare  
futantur.
- ¶ Ostenditur neque juri naturæ contra-  
rium esse hanc immunitatem.
- ¶ Neque dici posse, quod multarum secu-  
larium curiarum consuetudo contra  
immunitatem hanc probet aliquid.
- ¶ Etiam Ecclesia & Ecclesiasticorum pra-  
dia nonnunquam obligantur, ad pre-  
stationes quasdem vehicularies.
- ¶ Et ad vectigalia, pædagia, guidagia &c.  
solvenda ab itinerantibus &c.
- ¶ Absque et tamen, ut vis aliqua coali-  
vain Ecclesiasticos, ad hoc extorquen-  
da Laico Principi competit.
- N**otandum primo. Multa circa hanc  
juris decisionem colligi posse, non tan-  
tum ex illis, quæ supra in cap. non minus 4.  
b. i. dicta sunt, cùm hoc cap. tantum illius  
videatur confirmatio, adversus Consules,  
Rectores Civitatum, & qui Magistratum
- Laicum constituant, ac statuta talia gra-  
vantia contra immunes à sua jurisdictione  
nulliter faciunt, clare extensa; sed etiam  
ex cap. Ecclesia S. Mariae. cap. qua in  
Ecclesiarum de constitution. cap. finali  
de rebus Eccl. non alienand. cap. bene  
quidem & multis similibus diff. 96. (ubista-  
tus Laicorum Clericos non ligari innuitur)  
& ex Lege cunctos populos cod. de Summa  
Trinitate: ubi dicitur, si quid motu pro-  
prio à Laicis statutum fuerit, quod Ecclesiarum  
etiam recipiat favorem (multò magis  
si in præjudicium Ecclesiæ cedat) nullius  
esse firmitatis, nisi ab Ecclesia fuerit appro-  
batum. Extenditur autem hoc exemptionis  
privilegium Clericis competens, & exi-  
mios eos à jurisdictione Laicorum faciens,  
ad omnes Clericos, etiam in Minoribus  
constitutos, si ea obseruent, qua à Trident.  
requiruntur ad privilegium fori, de qui-  
busconditionibus L. 2. *Decretalium Titul.*
2. de foro competente agitur. Ad qua tam-  
en bona Ecclesiasticarum personarum hæc  
realis immunitas, de qua hic Pontifex lo-  
quitur, se extendat, dubitant aliqui, qui  
Clericorum immunitatem extinctam, aut  
certè restrictam vellent. Ad clariorē  
proinde immunitatis hujus notitiam
- Notandum secundò. Triplicis generis 2.  
bona esse, de quibus queri potest. Primi  
generis sunt illa, quæ peculiari aliqua con-  
secratione, aut benedictione (speciali modo  
Deo consecrata sunt, qualia sunt ipsæ Eccle-  
sia, cæmeteria, vasa & instrumenta sacra  
ad Dvini cultus ministerium designata,  
ornamenta & paramenta Ecclesiarum &c.  
Et hæc ab omni onere civilium exactionum  
immunia esse facile conceditur, cùm ad  
nullum usum profanum adhiberi possint,  
& res sacræ sint, ac nullo modo frugiferæ &c.  
Secundi generis sunt ea bona Ecclesiastica,  
qua nihil specialis consecrationis  
v.g. habent, à fidelibus tamen Deo & Eccle-  
sia oblata sunt, ad ipsius Ecclesiæ necesita-  
tem, consecrationem, ad ministeriorum Ec-  
clesiæ sustentationem, aut alios pios usus  
expendenda, qualia sunt prædia, fundi,  
horti,

§ 44 Decret. Greg. Lib. III. Tit. XLIX. Cap. VII.

horti, domus &c, ad Ecclesias pertinentia, uti & similia tam mobilia quam immobilia bona Ecclesiarum. Tertij denique generis bona sunt bona ipsa Clericorum & personarum Ecclesiasticarum: & quidem alia temporali tantum titulo; alia spirituali obtenta, ut ex *titulo de peculio Clericorum* jam patet. De his secundi & tertij generis bonis queritur, an immunita illa sunt ab oneribus, quae Laici praestare solent.

3 Notandum tertio. Onera haec etiam in triplici esse differentia. Alia dicuntur merè realia, quae ipsis rebus, seu bonis independenter à personis, perpetuo & inseparabiliter adhaerent, ex pacto v.g. aliquo, vel ex contractu feudalium vel emphyteutico &c. vel per modum stabilis pensionis in gratiam alterius solvenda &c. ab ipso domino proprietatis, aut cum hujus consensu, fundo v.g. alicui suo imposita. Alia sunt onera merè personalia, personis ipsis immediate imposita, & ab his praestanda, independenter à bonis in territorio sitis; qualia sunt non tantum civilia tutorum, curatorum munera, sed etiam capitationes sive illæ exactions, quæ in quamlibet personam jurisdictioni Principis subjectam, aut in tali patria lucrum ex officio suo, familialio, aut alijs civilibus functionibus facientem, imponuntur. Alia denique dicuntur onera mixta, quæ ex titulo jurisdictionis personis subditis imponuntur cum respectu ad bona, quæ possident, sive juxta bonorum, quæ possident, facultates, ita ut immediatè ipsis personas, in quas jurisdictione exerceri potest, mediata verò bona illorum afficiant; qualia onera sunt tributaria exactio-nes, steuæ, vectigalia, contributions &c. & alia hujuscemodi horrida nomina.

4 Notandum quartio. Facile concedi, quod onera merè realia, quæ à domino proprietatis suo fundo, in feudum v.g. vel emphyteusum Ecclesie concessa, imposita fuerunt, vel quæ fundo suo imposuit liberiliter Dominus proprietatis, aut cum contentu hujus imposita fuerunt, in gratiam Principis v.g. secularis solvenda, & cum onere in Eccle-

siam translata fuerunt, ab Ecclesia etiam seculari Principi solvi debeant, non rati-um, quia res cum onere suo (mete reali) in quocunque transit cap. 3. & pign. & cap. 28. 33. de decimis, sed quia per talen transactionem nec iustitia ordinari, nec liberalitas domini proprietatis evenit, qui sicuti fundo suo pro suo placito impone potest onus, ita in Ecclesiam rem suam transferre potest, sub quibuscumque conditionibus (modò haec non sint contra bonos mores, sicuti non est haec obligatio ad contratum aliquid ab Ecclesia præstandum Principi Laico) quæ si ab Ecclesia acceptemur, prout tale onus merè reale ad Ecclesiam accipiari posse videtur argum. cap. 32. de juri Parronat. & cap. 17. de censibus &c. levias debent, & tales pensiones (sive quotunque modi nomines) Principi deinde solvi, non titulo jurisdictionis, quod subjectione saperet, sed ex pacto, aut ex contractu &c. Et ex hoc capite videtur communiter dictum, quod antiqua tributa, sive ea onera, qua antequam talia bona ad Ecclesiam pervenerunt, jam illis affixa fuerunt, stabilitate & perpetuè in necessarium v.g. Principi sustentationem solvenda (sive deinde ab ipso domino proprietatis liberaliter fundo suo gratiam Principis onera haec imposita sunt; sive imposta sunt primò ex lege universali & ordinaria jurisdictionis, quæ omnia subditorum bona in necessarium v.g. Principi sustentationem onerata stabilitate, & perpetuè fuerunt) ab Ecclesia etiam & Ecclesiasticis solvenda sint, si bona taliter contraad Ecclesiam pervenerint; cum nec præsumi possit de illis, qui haec talia in Ecclesiam transtulerunt, quod cum tali bona communis præjudicio & tanta mediorum ad bonum commune conservandum, ex prima Principis constitutione necessariorom, diminutione, transferre voluerint bona sua in Ecclesiam; neque cogitari possit, quod Ecclesia non tantum cultrix iustitiae, sed in omnes liberalissima & gratissima sive onera iustissimè imposita, detectare voluerit, quæ Patronis suis Ecclesias fundantibus,

# De Immunitate Ecclesiarum, Cæmeterij, &c. 545

bus, dotantibus, aut ædificantibus ultrò etiam concedit, ut moderatas aliquas penfiones ab Ecclesijs v.g. fundatis solvendas sibi reservare possint cap. præterea 23, de jure Patron. & ut conditions in fundatione talium Ecclesiarum possint apponere, ad quas obligetur Ecclesia (cum consentu Episcopi) arg. cap. verum 4. de condit. juncta Glossa ac Barboſa in cap. primum de Cens. n. 4.

Sicuti autem de his oneribus merè realibus, aut ab antiquo stabiliter & perpetuo impositis, intelligendi videntur illi SS. Canonones, qui tributum ab Ecclesijs solvi asserunt Imperatoribus, aut alijs Laicis Principibus (ita tamen, ut fateri etiam debeamus aliquos Canones de eo loqui, quod factum est, non autem de eo, quod jure fieri potest, prout plures Canones intelligi possunt, qui tributa soluta asserunt ab Ecclesijs Principibus Gentilibus, vel alijs Ecclesiæ infestis Imperatoribus) ita alia SS. Canonum Capit. quæ videntur universaliter bona Ecclesiæ, & Ecclesiasticorum ab omib[us] oneribus tributorum, steuarum, & exactiōn[em] &c. asserere immunitia, ad h[ac] merè realia, vel ab antiquo stabiliter, & perpetuo imposta, non videntur extendenda, cùm de extraordinarijs tantum, & novis oneribus loqui videantur, ut clarè patet ex cap. 4. & 7. b.r. & ex cap. 3. codem in 6. & quæ solvenda sunt ab Ecclesijs nō ex p[ro]cto, quo sub hoc onere licito & concessio[n]e delata sibi bona accepterunt, fed ex titulo jurisdictio[n]is alie[n]i quasi Principi vel Magistratui sacerulari in Clericorum bona (saltē quæ titulo Ecclesiastico possidentur) aliqua in aliquo casu jurisdictio[n]e competat, quam non tantum SS. Canones simpliciter negant illis, quos obsequendi manet necessitas, non autem imperandi auctoritas, ut ait Pontifex in cap. 10. de constitut. & cap. 12. de rebus Eccl. non alien. &c. sed jus etiam divinum sacerularibus adimit, ut testatur Pontifex in cap. quamquam 4. de censibus in 6. & Trid. Sess. 2. cap. 20. de reform. ac Canonistarum & Theologorum sententia apud

Bonacinan tom. 3. disp. 1. q. 16. pun. 2. n. 5.  
& Thomam Del bene de immunitate cap. 1. dub. 2. sect. 1. & plures pro hac sententia  
Auctores, Juris & SS. Scripturæ rationes  
afferentem.

Notandum quintò. Difficilem esse questionem ad onera mixta, num obligentur bona Ecclesiarum & Ecclesiasticorum (saltē quæ titulo Ecclesiastico à beneficiatis Clericis, aut Religiosis possidentur) vel quod idem est, an præter antiqua & ordinaria onera (de quibus modò dictum, & quæ à Jure nonnunquam Canonica & Patrimonialia dicuntur) ad omnia nova & extraordinaria onera (quæ à Jure nonnunquam etiam superducta, vel superindicta vocantur) prædictis & fundis sui territorij à Principe titulo jurisdictio[n]is imponi s[ecundu]m folia, etiam Ecclesiastici ac bona Ecclesiasticorum obligentur. Qua in re certissima sententia videtur (ut omittatur longior in utramque partem, & fortassis inutilis discussio, cūm nemo facilè contraria sententia AA. ab opinione sua, sive errore dimoveat) vel nullam esse immunitatem realē Ecclesiasticam, vel certè ab his novis & extraordinarijs exactiōnibus, quæ Laicis recte nonnunquam imponi possunt, immunita esse bona Ecclesiastica: si enim Ecclesiæ & Ecclesiastici ex bonis suis Ecclesiasticis ad onera merè realia, & ab antiquo de lege ordinaria imposta, sacerularibus Principibus solvenda, obligantur, ut priore notando concessum, consequenter ab his oneribus non habeant immunitatem, ergo quo ad h[ac] onera immunitas realis locum non habet: si autem dicas, reali tantum immunitate gaudere eorum bona, si sine necessitate h[ac] onera imponuntur, nihil speciale habent præ Laicis (& consequenter nulla iterum erit immunitas realis) cūm neque Laicis imponi possint nova onera, & novæ exactiōnes extra casum iustæ necessitatis, prout communis & certa sententia docet: si verò dicas, reali hac immunitate gaudere Clericorum bona, casu quo iusta quidem causa sit exigendi à Laicis collectam, quæ tamen causa

Zzz

nihil

nihil ad Ecclesiæ specialiter , & directè attinet , ad nativitatem novi Principis solemnitatem , ad dotem filiaæ Principis constitutandam , in litrum pro redimendis urbibus , officialibus ab hoste captis &c. aut gaudere , casu quo onera talia imposita sunt ad communem quidem necessitatem sublevandam , cui tamen solæ Laicorum facultates sine magno eorum damno sufficiunt ; vera quidem assertis , & sine dubio observanda , cum non tantum SS. Canones , & Bulla Cœnæ , ac recentiora Jura etiam Civilia , hanc saltem immunitatem bonis Ecclesiasticis tribuant *authentica stem nulla communitas cod. de Eps. & Clericis* ( quidquid antiquiora aliqua Jura contradicant . ex hoc etiam solo capite nulla , quod de rebus Ecclesiasticis specificè statuan ) praxis tamen communissima ( saltem in nostris partibus ) contraria est , cum ad omnia hac etiam extraordinaria onera , si rationabilis causa videatur , ea imponendi , non secus Clericorum , ac Laicorum bona concurrere debeant ; & prius non nunquam Clericorum bona , quam Laicorum excutiantur , ita ut non nunquam magis Laicis favor & gratia Principis proficit , quam Clericis à Jure Divino ordinata , utriusque juris sanctionibus stabilita , sub penitentiis Canonicis etiam & Civilibus immunitas . Quidquid tamen sit de hac ratione , communissimo argumento , nunquam tamen soluto , probari potest , quod Ecclesiæ & Ecclesiasticorum bona ab his novis & extraordinariis exactiōibus , quæ sacerdotiis Principibus ex causa justæ rationabilis , publicæ , ac communis , imò etiam gravis necessitatis , cui sublevanda Laicorum opes non sufficiunt ( ut omnia conjugam quæ ex parte causæ finalis , aut motivæ ad onera hæc imponenda concurrere possint ) sint immunita : si nullam habeat jurisdictionem in bona talia Ecclesiasticorum Laicus Princeps , vel Magistratus sacerdotialis , nullætiam illis onera imponere potest ; atqui nullam habet jurisdictionem in bona talia Laicus Princeps , aut Magistratus , ergo &c. Major certissima videtur , cum

enim hæc onera extraordinariorum impositio sit actus jurisdictionis , con sequenter illis bonis hæc onera à sacerdotiis Magistris imponi non possunt , quæ illius jurisdictioni non subsunt ; sicuti nemo daret , quod bonis & fundis extra suum territorium , & jurisdictionis terminos existentibus , evenalia imponere possit Minorem , quæcum certissima est , non tamen probat immunitas realis , quam nemo negare potest , & probant certissima utriusque iuri rectu , ac axiomata , quibus dicitur , facta De nullis profanis usibus applicanda ; bene velut accessoria sequi conditionem personæ , saltem quoad exemptionem ; mutata qualitate personæ , mutari etiam qualitatem bonorum accessoriæ connexorum &c. ac plures etiam rationes ex natura bona Laicalium & Ecclesiasticorum , & ex unitusque jurisdictionis differentia , ac plurimi denique absurdis desumpta , quæ per sim apud relatos videri possunt .

Ad hoc tamen argumentum dissolendum sunt a liqui , qui non tam titulo jurisdictionis , quam titulo supremi dominii , quod in omnia sui territorij bona habeat Princeps v. g. vel ex plenitudine potest hæc onera imponere Principem potest contendat ; vel quod Princeps per statutum aliquod , antequam hæc bona ad Ecclesiæ perveniant , omnia territorij sui bona tributaria fecerit , & ad tributa quælibet præstanta obligaverit , ut cum hoc oneretur Ecclesiæ transiverint . Alij verò contendunt hoc Principem v. g. Laicum posse , & quod putent , dominos cum hac obligacione sua bona in Ecclesiæ transstulisse , ut al omnia onera à Principe justè imponenda sint obligata . Verum plerosque hos falsi fundamentis , periculis , & quæ nequa sui semper Authores sequi voluerunt , innotiti apud relatos AA. videri potest . Ceteri titulus supremi dominii nihil juris tribuit Principi in bona illorum , quæ quantum existant in illius territorio , non sunt item de illius territorio , sive non subiecti illius jurisdictioni , & quod non pertinet

ad personas illius jurisdictioni subjectas, qualia sunt bona Ecclesia & Ecclesiasticorum titulo Clericali possessa, cum potestas illa, quæ Principi in casibus quibusdam in bona sui territorij competit, fundetur in titulo jurisdictionis & non conveniat alii, quam habent jurisdictionem respectu eorum, in quos habet jurisdictionem, quam etiam supponit plenitudo potestatis, quæ utique ad eos extendi non potest, in quas nulla potestas Principi competit. Et quamvis fortassis hoc supremum dominium, quod nunquam Princeps à se abdicare censetur, probaret aliquid respectu eorum, qui ex gratia Principis speciali exempti sunt, & privilegiati, nihil tamen probat respectu eorum, qui à Superiori potestate suam exemptionem & privilegia habent. Dicere vero, quod bona Ecclesia ad omnia onera à Laico Princepe imponenda obligentur, eo quod hæc bona priusquam ad Ecclesiam per venerunt, tributaria sibi per statutum fecerit Princeps, cautela quidem Bartoli est in Legem Rescripto §. finali ff. de munib. quæ tamen ab omnibus reprobatur, ut ait Baldus apud Azor & ut ait Jafon apud Delbene, quæ ab omnibus pro falsa & damnata habetur, ita ut ex validissimis Juristarum rationibus probari possit, ut ait apud hunc ipsum Cardinalis Albaanus, grave piaculum committere eum, qui contrarium docet: imò nec ipse euam Bartolus hanc suam opinionem in Consilio posteriori dato sequi voluit, ut testatur Azor; & recte quidem, non tantum quod statutum tale (ut aliunde justitia statuti talis non impugnetur) reddens omnia prædia, & bona taliter tributaria in præjudicium etiam Ecclesia fit, indirecte saltem contra libertatem Ecclesiasticam (quia statuta ab utroque Jure reprobantur, authent cass. cod. de SS. Eccles. cap. 10 de confir. Eccl. cap. 49. § 3; de sent. ex com. & pluribus hujus tituli juribus, ac demum in cap. 14. Bolla Cœlestia) sed quia talia statuta necessario annexam claufulam habent, quandiu manent sub jurisdictione illius, qui jus statuendi taliter hic & nunc

habet: certè si per Superioris autoritatem, qui in hunc ipsum, qui statutum tale fecit, jurisdictionem & potestatem habet, bona talia, quæ tali statuto inferior hic Princeps tributaria fecit, à jurisdictione hujus eximerentur, nemo diceret, quod ea adhuc Princepi huic tributaria sint, & ad tributa, ac onera extraordinaria obligentur; cur ergo dicatur de Ecclesia prædictis Jure Divino, vel saltem Pontificio, cui utique omnes Catholicæ Principes subiecti debent, exceptis? Et quamvis dominus propriæ fundo suo onus reale, certam v.g. pensionem in Principis gratiam singulis anni solvendâ imponere possit, quod onus in ipsâ Ecclesiam transeat, ut supra concilium hinc tamen obligationem, ut ad quæcumque onera & tributa suo tempore titulo jurisdictionis à Princepe imponenda, obligatus sit fundus talis, quem in Ecclesiam transtulit, quod imponere possit, præbari non potest, cùm talis obligatio videatur repugnare Juri Divino, vel saltem Canonico pro bono publico immunitatem statuente, cui privata persona, quæ immunitati pro bono communis introductæ renuntiata nou potest, patere debet.

Neque dicas, Jus natura dictare, ut ad communes necessitates subeundas pariter omnes concurrent; cùm enim omnes pariter fruantur communibus bonis, omnes etiam sentire debent communia onera: quod vel maximè dicendum est in casu, quo publicæ & communis necessitates tam Clericos quam Laicos, aquæ principaliter affligunt, ut sit in casu hostis publici avertendi, & patriæ contra eum defendendæ, qui non minus Ecclesiastica, quam laica bona exurit, & devastat &c & in casu, quo publicis necessitatibus sublevandis, Laicorum facultates non sufficiunt: certè ipse Summus Pontifex in cap. 2. b. t. nullum (de hominibus Ecclesia, ut ait Glossa) vult in casu necessitatis à vigilijs & murorum custodia esse immunem. Respondetur enim, si de communibus necessitatibus sublevandis loquaris, quas nonnunquam alii patiuntur privati, ad aggeres v.g. ducendos ob agros

v. g. aut fundos vicinos fluminī, aut viārum ante ædes cuiuslibet purgandarum & conservandarum necessitate &c. ad puteum v.g. communem in vicinia conservandum &c. libenter concedo, quod in casu tali, in quo non minus Ecclesia & Ecclesiastici ipsi damnum patiuntur, aut commodum sentiunt, contribuere debeant tam Ecclesiastici, quam Laici, cum contributio talis non tam publica jurisdictionis auctoritate, quam ex privato pacto, aut tacita conventione ad communia & privata mala avertenda, sit, & ad hoc sine dubio jus etiam naturæ obligat, quod solum etiam probatur ex cap. 2. relat. Si vero de communibus quidem, publicis tamen necessitatibus sermo sit, docuerunt quidem aliqui distinguendo, ita ut concedant, jus naturæ dictere, quod omnes (præterim illi, quos æquè principaliter ex tangunt) ad eas sublevandas concurrere debeant, si non sint privilegiati; negant tamen, si sint privilegiati, uti sunt Clerici de Jure Divino & utriusque Juris privilegio circa sua bona: quidquid tamen sit de hac distinctione, quæ optima est, libenter concedo, quod ex Juris naturalis dictamine vel etiam præcepto contribuere debeant Ecclesiæ, & Ecclesiastici, ad communes publicas necessitates, præterim si ipsas etiam Ecclesiæ aquiliter cum Laicis illæ tangant; nego tamen, quod debeant ex imperio præcise, & voluntate Laici Principis, aut juxta ipsius placitum, titulo jurisdictionis onera talia imponentis. Certe in cap. non minus 4. hoc tr. ne naturali obligationi derogetur, satis caveretur, dum statuunt Jura, in talis casu, quo publica necessitas ab Ecclesijs etiam & Ecclesiasticis subsidia exigit, fieri ea debere, ita tamen, ut prius à Clero, & Episcopo examinetur, utrum tanta necessitas hic & nunc urgeat, cui sublevanda Laicorum facultates (sine gravi gravamine scilicet, ut advertit Suarez) non sufficiant: si vero ferat necessitas moram, ipse etiam summus Pontifex de hoc consulatur; subsidia autem talia non à Laicis extorqueantur, sed humi-

liter & devotè, cum gratiarum actione recipiantur: ita textus cap. adverſus.

Neque dici potest per contrarium consuetudinem capitula hæc abrogata esse, cùm enim ex cap finali de consuetudinibus, quod consuetudo, quæ est irrationabilis, aut quæ introducitur, nec legaliter consentiente Pontifice, ad abroganda Jura Canonica nihil valeat; consuetudo autem illa, quæ à Jure corruptela appellatur, qual est hæc consuetudo cap. quinquaginta di censibus, & cap. 1. hoc tr. in sexto, & quæ libertati ac immunitati Ecclesiastice obviat, irrationabilis sit, ut advertit Glosa in cap. relat. finale v. rationabilis; neque de ea consuetudine consensus legalis Pontificis habeatur, quam singulis annis in Bulla Cœnæ sub excommunicationis pena prohibet Pontifex; consequenter talis consuetudo, sive potius corruptela, & abolitæ ad abroganda Jura Canonica nihil valeat potest.

Ex his autem apparet primò. Non esse improbatum eorum sententiam, quam lib. 4. Theol. Moral. tr. 9. cap. 6. con Civilistis quibusdam tenent etiam Canonica aliqui, quod scilicet Ecclesiasticorum & Ecclesiasticorum prædia teneant etiam ad praestationes alias vehiculares, ad communem necessitatem ab antiquo prædiis aliis, præiusquam ad Ecclesiam pervenient, impositas: quin etiam non improbabile pareret, quod ad novas etiam praestationes vehiculares, quas in casu occurrente necessitatibus, de novo nonnunquam imponant Principes, ex prædiis, saltem titulo matre civili possessis, obligentur Ecclesiæ, & Ecclesiastici, ob allatas rationes superius, probabiles, aut præsumptivas.

Ex quibus rationibus, præterim quæ in Concordatis quibusdam, aut Conventionibus Statuum Provincialium, tam Laicorum quam Clericorum, in commune bona consulentium fundantur, apparet etiam cunctò, non esse improbatum, quod etiam vestigalia, quæ ratione rerum existunt, vel intra patriam venditarum, aut empa-

sum, solvi debent, uti & pædagia, acquidagia ab itinerantibus solvenda, ad vias, pontes &c. conservandos, ad tutu itinera præstanta &c. etiam ab Ecclesiasticis ex agri suis solvere debeat, non tantum si propriè dictam negotiationem, Clericis prohibitam, exerceant ad lucrum ex rempta, & non mutata divindita faciendum; sed si ex suis etiam prædijs collecta illa, aut meliorata ad privatas suas necessitates transferant, & distrahanter. Et quamvis à plurimis Canonistis, non tantum rigidioribus, immunitatis realis Ecclesiastica patronis, sed illis etiam, qui Laicos circa Ecclesiasticorum hæc bona concedunt aliquid, haec non tam facile admittantur, ob nimis claros terminos, hinc inde relatios tam SS. Canonum, quam Jurium Civilium, & quod gravi metu coacti, ad hæc talia contribuenda consentiant Prælati, quale voluntarium non sufficit, ut dici possint sponte contribuere: quia tamen communissima præxi aliquid concedendum, tolerari hæc possunt, ut non improbabilius; ita tamen, ut nulla appareat probabilitas illius sententie, que coactivam etiam vim seculari Principi, ab Ecclesiasticis personis, ad hæc onera extorquenda permittit in illo casu, quo ad onera hæc ex consensu proprio, aut tacito pacto obligantur, & executio n, etiam per peñam impositionem, per eorum abactionem, bonorum arrestationem &c. auctoritate publica factam concedit. Quæ praxis, nisi fundetur in privilegio à summo Pontifice obtento, defendi non potest: cum enim ex omnium confessione coactio talis & executio sit actus jurisdictionis, Laicos autem nulla jurisdictione competit in personas, aut bona Ecclesiastica, ut ex dictis patet; consequenter etiam nulla vis coactiva, aut executio authoritativa illis concedi potest: neque hi, qui taliter jurisdictionem in personas aut bona Ecclesiastica exercent, aut per se vel per alios, directè aut indirectè exequuntur, vel ad hoc auxilium, consilium, aut favorem præstant, ab incurrenda excommunicatione Bullæ

Cœnæ casu 17. & 18. excusari possunt, nisi privilegio Pontificis innixi hoc faciant, aut frigidum illud, & parum probabile opprone velint, Bullam Cœnæ, quoad hæc sibi displicentia, non esse receptam.

Dixi tamen: si publica autoritate hoc faciant; quod si enim privatâ tantum auctoritate Laicus aliquis Clerici debitoris bona sibi detineat, dum solutionem ipsi expediatur, vel per legitimum suum judicenâ ad solutionem cogatur, aut occultam sibi compensationem faciat in casibus, quibus ea licet, nihil contra immunitatem ager, cum nullam in Clericum aut bona illius jurisdictionem exerceat, sed medium jure naturæ concessum arripiat, ad solutionem expediendam, necessarium.

### CAPITVLVM VIII.

#### Quia plerique.

##### PARAPHRASIS.

Delatum fuit ad Innocentium III. quod Prælati aliqui Ecclesiastici sub praetextu Procurationum Legatis Apostolice Sedis tribuendarum, à subditis plus extorqueant, quam necessarium sit: talen proinde iniquam exactionem non tantum prohibet in Concilio Generali hic Pontifex, sed vult etiam, ut extorta restituantur, & pauperibus tantundem largiantur iniqui hi exactores, quantum extorserunt, ita ut velit Canonice etiam ultioni subjacere Superiores Ecclesiasticos, si querela injustæ hujus exactionis ad eos delata fuit, in executione tamen hujus constitutionis sint negligentes.

##### SUMMARIUM.

*Quid in hoc Capit. de Iure Natura sit,  
& quid de Iure positivo penalit?*

**N**Ocandum. Restitutionem injustè acquisitorum faciendam esse injustè lex, Jus naturale, & justitia commutativa docet, ita, ut hæc restitutio, non tam pena sit